



大金集禮卷第十一

皇帝祭皇地祇于方丘儀注每年夏至日祭

齋戒

陳設

省牲器

奠玉幣

進熟

望瘞

齋戒

祭前三日質明有司設三獻以下行事官位于尚書省初獻南向監察御史位于西東向監禮博士位于東西向俱北止司徒亞終獻位于南次光祿卿太常卿次第第一等分獻官司天監次第第二等分獻官光祿丞郊社令大樂令良醞令廩犧令司尊彝次內壇內外分獻官太祝官奉禮郎協律郎諸執事官就位立定次禮直官引初獻就位初獻讀誓曰今年五月几日夏至祭皇地祇于方丘所有攝官各揚其職其或不敬國有常刑讀畢禮直

官贊七品以下官先退監祭監禮職雖七品不退餘官並對再拜訖退散齋二日宿于正寢治事如故唯不弔喪問疾不作樂不判署刑殺文字不決罰罪人不預凶穢致齋日唯祭事得行其餘悉禁赴祭之日官給酒饌凡預祭之官已齋而闕者通攝行事守壇門兵衛與大樂工人俱清齋一宿行禮官前期習儀于祠所

陳設

祭前三日所司設三獻以下行事執事官次于外

大金集禮卷十一
壇東門之外道南北向西上隨地之宜又設饌冪
於內壇東門之外道北南向祭前二日所司設兵
衛各服其器守衛壇門每門二人太樂令帥其屬設
登歌之樂于壇上稍南北向磬簾在西鍾簾在東
祝一在鍾簾北稍西啟一在磬簾北稍東搏拊二
一在祝北一在啟北東西相向歌工次之餘工各
位於懸後其匏竹者位於壇下在第一等重行北
向相對為首郊社令帥其屬掃除壇之上下為瘞
坎坎在內壇外之壬地祭前一日司天監郊社令

各服其服帥其屬升設皇地祇神座于壇上北
方南向席以藁秸又設配位神座于東方西向
席以蒲越又設神州地祇神座于壇之第一等
東南方席以藁秸又設五神五官嶽鎮海瀆二
十九座于第四等階之間各依方位又設崑崙
山林川澤二十一座于內壇之內又設丘陵墳
衍原隍三十座於內壇外席皆以莞又設神位
版各于坐首子陞之西水神玄冥北岳北鎮北
海北瀆于壇之第二等北山北林北川北澤于內

壇內北丘北陵北墳北衍北原北隍于內壇外皆
各為一列以東為上 郊陛之北木神勾芒東岳
長白山東鎮東海東瀆于壇之第二等東山東林
東川東澤于內壇內東丘東陵東墳東衍東原東
隍于內壇外皆各為一列以南為上 午陛之東神
州地祇于壇之第一等火神祝融南山南鎮南海
南瀆于壇之第二等南山南林南川南澤于內壇
內南丘南陵南墳南衍南原南隍于內壇外皆各
為一列以西為上 午陛之西土神后土中岳中

鎮于壇之第二等中山中林中川中澤於內壇內
中丘中陵中墳中衍中原中隍于內壇外皆各為
一列以南為上 酉陛之南金神蓐叔西岳西鎮
西海西瀆于壇之第二等崑崙西山西林西川西
澤于內壇內又設 皇地祇位象尊二壺尊二山
壘四在壇下午陛之西北向西上 配位儀尊二
壺尊二山壘四在酉陛之北東向北上皆有坫加
幕設而不酌 神州地祇位左八邁右八豆登在
一邁豆間簋一簋一在登前簋左簋右爵坫一在

神座前又設第二等諸神位每位遵二豆二簋一盞一俎一爵坩一內壇之內外諸神每位遵一豆一盞一簋一俎一爵坩一陳列皆與上同又

設神州地祇太尊二著尊二皆有坩第二等諸

神每方山尊二內壇內外每方屬尊二內壇內

外每方概尊二皆加冪自第二等以下皆用斝爵

其爵皆先拭洗訖置尊下又設正配位遵一豆

一盞一簋一俎三及毛血豆一并神州地祇位

俎一各于饌冪內又設二洗于壇下郊陛之東北

向盥洗在東爵洗在西罍洗在東加勺篚在洗西

南肆寶以中爵洗之篚寶以斝爵加坩又設第一

分獻官盥洗爵洗爵第二等以下分獻官盥洗位

各于其方道之左罍在洗左篚在洗右俱內向執

罍篚者各於其後祭日丑前五刻司天監郊社令

帥其屬升設皇地祇及配位神座於壇上設

神州地祇座于第一等又設玉幣皇地祇玉

以黃琮神州地祇玉以兩圭有卽皆置于匣

正配位幣並以黃色神州地祇幣以玄色五神

五官嶽鎮海瀆之幣各從其方色皆陳于篚太祝
取瘞玉加於幣以祀神之玉各置于神座前光
祿卿帥其屬入寶正配位籩豆籩三行以右為
上第一行形盞在前魚鱮糗餌次之第二行榛實
在前乾桃棗次之第三行菱在前乾芡乾栗鹿脯
次之豆三行以左為上第一行芹菹在前笋菹
葵菹次之第二韭菹在前鮑食魚醢次之第三行
豚胎在前鹿藿西丘西陵西墳西衍西原西隄于
內壇外皆各為一列以北為上其皇地祇及配

位神州地祇之座并祀神之玉雖設訖俟告潔
畢權徹祭日早重設其第二等以下神座設定不
收奉禮即祀直官又設三獻官于郊陛之東稍北
西向司徒位于郊陛之東道南西向太常卿光祿
卿位次之第一等分獻官司天監位于其東光祿
丞郊社令太官令廩犧令位又在其東每等異位
重行俱西向北上又設太祝奉禮郎及諸執事位
于內壇東門外道南每等異位重行俱西向北上
設監祭御史二位一於壇下西陛之西南一于子

九金集卷十一
陛之西北俱東向設監禮博士二位一于壇下
陛之東南一于子陛之東北俱西向奉禮即位于
壇之東南西向協律即位于樂簏西北東向太樂
令位樂簏之間西向司尊彝位于酌尊所俱北向
設望瘞位坎之南北向又設牲勝位于內壇東
門之外西向太祝史各位于牲後俱西向設省
饌位於牲西太常卿光祿卿太官令位北南向西
上凡太祝官皆稍却監祭監禮位在太常卿之西
稍却西上廩犧令位于牲西南北向又陳禮饌於

內壇東門之外道北南向設有饌位于禮饌之南
太常卿光祿卿太官令位在東西向監祭監禮位
在西東向俱北上設祝版于神位之右司尊及
奉禮即帥其屬設玉幣篚于酌尊所次及籩豆之
位正配位各左有十一籩右有十一豆俱為三
登三在籩豆間釧三在登前簋一簋一簋左簋右
各在釧前又設尊彝之位皇地祇太尊二箸尊
二犧尊二山罍二在壇上東南隅配位著尊二
犧尊二象尊二山罍二在正位酒尊之東俱北向

西上皆有坩加勺冪為酌尊所左實玄酒者加勺右
實明水者不加勺 醢醢菁菹次之登實以大羹

銅實以和羹 又設從祭第一等 神州地祇位之

饌籩三行以右為上第一行形盞在前魚鱗次之

第二行乾桃在前乾枣次之第三行乾芡在前鹿

脯次之豆三行以左為上第一行芹菹在前笋菹

次之第二行菁菹在前韭菹次之第三行兔醢在

前鹿醬醢醢次之登實以大羹籩實以稷籩實以

黍 第二等每位 在二籩粟在前鹿脯次之右二豆

菁菹在前鹿醬次之籩實以稷籩實以黍俎一羊

一豕一內壝內外每位 左籩一鹿脯右豆一鹿醬

籩稷籩黍俎以羊 良醢令帥其屬入實酒尊皇地

祗 太尊為上寔以汎齊著尊次之實以醴齊犧尊

次之實以盎齊象尊次之實以醴齊壺尊次之實

以沈山壘為下次之實以三酒 配位著尊為上實

以汎齊犧尊次之實以醴齊象尊次之實以盎齊

壺尊次之實以醴齊山壘為下實以三酒皆左實

明水

右寔玄酒皆上醞代次實從祭第一等 神州地
祗酒尊 大尊為上寔以汎齊著尊次之寔以醴齊
第二等 山尊寔以醴齊內壇內屬尊寔以汎齊內
壇外概尊寔以三酒以上尊皆左以明水右以玄
酒皆尚醞代之 太常卿設燭 神座前

省牲器

祭前一日午後八刻去壇二百步禁止行者未後
二刻郊社令帥其屬掃除壇之上下司尊與奉祀
即帥執事者以祭器入設於位郊社令陳玉幣於

篚未後三刻廩犧令與太祝、史牲就省位禮直
官贊者分引太常卿光祿卿丞監禮祭太官令等
詣內壇東門外省牲位立定禮直官引太常卿贊
者引監祭監禮自東壇門南門而入升自卯階視
滌濯執事者皆舉冪曰潔俱後位禮直官稍前曰
告潔畢請省牲太常卿稍前者牲訖退後位次引
廩犧令出班巡省一匝西向躬曰充請太祝巡省
一匝首員西向躬曰膾俱後位禮直官稍前曰省
牲畢請就饌位引太常卿以下各就位立定省饌

俱訖禮直官贊省饌畢俱還齋所廩犧令諸太祝
祝史以次牽牲詣厨授太官令次引光祿卿以下
詣厨省鼎鑊視滌漑乃還齋所脯後一刻太官令
帥宰人以鸞刀割牲祝史各取毛血實以豆置于
饌慢遂烹牲又祝史取瘞血貯於盤

奠玉幣

祭日丑前五刻獻官以下行事官各服其服有司
設神位版陳玉幣實籩豆簠簋尊壘俟監祭監禮
按視壇之上下乃徹去蓋幕太樂令帥工人入以

次奉禮即贊者先入禮直官贊者分引分獻官以
下監祭監禮請太祝太史齋即與執尊壘籩幕者
南壇東門當壇南重行北向西上立定奉禮即贊
拜獻官以下皆再拜訖以次分引各就位升壇陞
上及下位次引監祭監禮按視壇之上下糾察不
如儀者省訖退後位禮直官分引三獻官以下行
事官俱入就位行礼官皆自南壇東門入禮直進
立初獻之左白曰有司謹具請行事退後位協律
即高舉笏執麾工舉麾興凡取物者則跪俛伏而

取與奠物則跪奠訖俛伏與工鼓祝樂作坤寧之
曲八成偃麾戛鼓樂止俟太常卿瘞血訖奉禮即
贊拜在位者皆再拜又贊諸執事者各就位禮直
官引諸執事者各就其位俟太祝跪取玉幣於篚
立于尊所諸位太祝亦各取玉幣立于尊所禮直
官引初獻詣盥洗位樂作肅寧之曲至位北向立
樂止搢笏盥手悅手執笏詣壇樂作肅寧之曲辭
殊凡初獻升降皆作肅寧之曲升自卯階至壇樂
止詣皇地祇神座前北向立樂作靜寧之曲搢

笏俛伏與太祝于幣西向跪以授初獻初獻官受
玉幣奠訖執笏與再拜訖樂止次詣配位神
座前東向立樂作億寧之曲奠幣如上儀樂止降
自卯階樂作復位樂止初獻將奠配位之幣贊
者引第等分獻官詣盥洗位搢笏盥手悅手執笏
由卯階詣神州地祇神座前搢笏跪太祝以玉
幣授分獻官分獻官受玉幣奠訖執笏俛伏與再
拜訖退還初第一分獻官將升贊者引第二分獻
官詣盥洗位盥手悅手執笏各由其陞升唯不由

午陛詣于首位 神座前奠如上儀次以祝史齋
即助奠訖各引還位初獻奠幣將畢祝史奉毛血
豆各由午陛升詣太祝迎于壇上進奠于 正配
位神座前太祝與祝史俱退立于奠所

進熟

初獻既升奠玉幣有司先陳牛鼎二羊鼎二豕鼎
二于神厨各在鑊右太官帥進饌者詣厨以七升
牛羊豕自鑊實於各鼎 牛羊豕各肩臂膾胙胙正
脊一橫脊一長脇一短脇一代脇一皆二骨一並

冪之祝史以局各對舉鼎有司執七以從陳於饌
幔內從祀之俎實以羊更陳於饌幔內 光祿卿實
以籩豆簠簋 籩實以粉 簠實以糝 食簠寔以稷

簠實以黍 實訖去鼎之局冪七加於鼎太官令以
七升牛羊豕載于俎 肩臂膾在上端 胙胙在下端
脊脇在中正初獻還位樂止禮直官引司徒出詣
饌所同薦籩豆簠簋俎齋即各奉 皇地祇 配
位之饌升自卯陛詣太祝各迎于壇上司徒詣
皇地祇神座前播笏奉籩豆簠簋次奉俎北向跪

奠訖執笏俛伏與設籩于糗餌之前豆于醢醢之前簠簋在登前俎在籩前次於郊陛奉配位之

饌東向跪奠于神座前並如上儀各降自郊陛

還位太祝迎于壇陛之道間奠於神座前在籩

前訖樂止太官令進饌者降自郊陛還位禮直官

引初獻官詣盥洗位樂作至位樂止北向立搯笏

盥手悅手執笏詣爵洗位至位北向立搯笏洗爵

拭爵以授執事者執笏詣壇樂作引自郊陛至壇

上樂止詣皇地祇酌尊所西向立執事者以爵

授初獻搯笏執爵司尊舉冪良醞令跪酌太尊之

泛齊酌訖先詣配位尊所樂作太簇宮溥寧之曲

初獻以爵授執事者執笏詣皇地祇神座前北

向立搯笏跪執事者以爵授初獻執爵三祭酒于

茅苴奠爵三獻奠爵皆執事者受以與執笏俛伏

興少退跪樂止舉祝官跪對舉祝版讀祝太祝東

向跪讀祝文訖俛伏興舉祝官奠版于按輿先詣

配位座前北向立初獻再拜初讀祝文樂作拜訖

樂止次詣配位酌尊所執事者以爵授初獻初

獻措笏執爵司尊舉冪良醞令跪酌著尊之汎齊
樂作太簇宮保寧之曲初獻以爵授執事者執笏
詣配位神座前東向措笏跪執事者以爵授
初獻初獻執爵三奠酒于茅苴奠爵執笏俛伏興
少退跪樂止舉祝板于按輿初獻再拜訖初讀祝
文樂作拜訖樂止降自卯陛讀祝舉祝官俱從樂
作復位樂止次引亞獻詣盥洗位北向立措笏盥
手旣手執笏詣爵洗位北向立措笏洗爵拭爵授
執事者執笏升自卯陛詣皇地祇酌尊所西向

立執事以爵授亞獻措笏執爵司尊舉冪良醞令
酌著尊之醴齊酌訖先詣配位酌尊所北向立

樂作咸寧之曲亞獻以爵授執事者執笏詣皇
地祇神座前北向立措笏跪執事以爵授亞獻亞
獻執爵三祭酒于茅苴奠爵執笏俛伏興少退再
拜次詣配位酌獻並如上儀惟酌犧尊為異樂
止降後位次引終獻詣洗位盥手洗爵升壇正
位酌犧尊之盎齊配位酌象尊之醴齊奠獻並如
亞獻之儀禮畢降復位初終獻將升贊者引第一

等分獻官詣盥洗位搯笏盥手悅手洗爵拭爵以爵授執事者執笏詣神州地祇酌尊所搯笏執事者以爵授獻官獻官執爵執事以酌大尊之泛齊酌訖以爵授執事者進詣神座前搯笏跪執事者以爵授獻官獻官執爵三祭酒于茅苴奠爵俛伏與少退跪再拜訖還位初第一分獻官將升贊者分引第二等分獻官詣盥洗位搯笏盥手悅手執笏詣尊所執事以爵授分獻官酌以授執事者進詣首位神座前奠獻並如上儀祝史齋郎

以次助尊訖各引還位諸獻俱畢諸太祝進徹籩豆籩豆各一少移故處樂作豐寧之曲卒徹樂止奉禮贊曰賜胙衆官再拜樂作一成止

望瘞

初送神樂止引初獻官詣望瘞位樂作太簇官肅寧之曲至位南向立樂止初在位官將拜諸太祝祝史各奉篚進詣神座前玉幣從祭神州地祇以下並以姐載牲體并取黍稷飯爵酒各由其陛降壇北詣瘞坎寔于坎中又以從祭之位禮畢

皆從瘞禮直官曰可瘞東西六行冥土半坎禮直
 官贊禮畢引初獻出禮官贊者各引祭官及監祭
 監禮太祝以下俱復壇北向立定奉禮即贊曰
 再拜監祭以下皆再拜訖奉禮以下及工人以次出
 光祿卿以胙奉進監祭監禮就位展視光祿卿詣
 闕再拜訖以進其祝版燔於齋坊 鑿駕還宮

如圓丘之儀

檢討定儀禮合設執事職官人員于後 一祭方

丘神州皇地祇事攝官

初獻一

司徒一

亞獻一

終獻一

已上四員擬宣

太常卿一

光祿卿 省擬奏攝

監祭二 御史臺差監察御史

監禮二 太常博士

第一等分獻官一員

第二等分獻官三員

內壇內分獻官五員

司天監一

光祿丞一

郊社令一

大樂令一

廩犧令一

太官令一

良醞令一

司尊二

太祝官三

奉禮郎一

讀祝太祝官一

舉祝官一

協律郎二

祝史三十一人

齋郎四十二內四人代事故

諸執事

三獻奉爵官一

盥洗官一

爵洗官一

中篚官二

第一等獻官盥洗官一兼爵洗奉爵

中篚官一

內壇內及第二等獻官每方盥洗二

已上皆部擬擬誓前三日各取告示

禮直官贊三十四員 太常寺所隸

司天生二員

接手官三十員 宣徽院承奉班祗俟權差

大金集禮卷第十一終

大金集禮卷第十二至十七元有關文

永安四年四月五日奉職留住于禮部傳奉 聖

旨東京清安寺有元賜與靜因院錢一萬貫每年

三道戒牒都撥與靜因院交另請長老做主次及每

年 太后忌辰五百貫錢也交與令東京留守提

控如闕後已次同知少尹提控作齊行者 禮部

泰和五年二月十六日准東京留守司申垂慶清

安兩寺內俱有 貞懿皇后影殿自来各差射糧

軍人六名廵宿委差什將高坦管勾副留守相訟

提控云、前年九月奉禮部符云、不得似前滅裂。照得大定十三年准禮案六月二十九日奉禮部符承省劄奉御東陽傳奉聖旨東京太后塔位并院牆聽得都倒塌了仰專差本京由判常做提點官覲着勾當院牆用磚東砌及教清安寺長老和尚每遇節朔諷咒官裏與享祀送法斷上清安寺與垂慶寺內太后影殿係是一體合委副由守一就提控如副由守闕員依符同知提控外孝寧宮塔位由判依舊提點部符

檢清安寺提控官合往來申委副由守一就提控外孝寧宮塔位亦合依符令由判提控

世宗 顯宗 熙宗各本 陵位祭帶祭后

太宗 睿宗忌辰各磐寧宮望祭帶祭后

太祖忌辰除不祭 世祖外遍祭

太宗 睿宗 世宗 顯宗 熙宗並帶祭諸后

后 昭德后忌辰磐寧望祭 忌辰本陵祭明

昌二年禮直官曹遇單子具到 昭 忌辰磐寧

宮是定二十九年七月內太常寺定來部有

享所已齊而闕者通攝行事 前三日兵部量設
兵衛列於 廟之四門前一日禁斷行人儀鑾司
設饌幔十一所于 南神門外西南向又設七祝
次竈與中雷二位于橫階之北道西東向又設羣
官齋宿次于 廟門之東西舍前二日大樂局設
登歌之樂于 殿上 太廟令帥其屬掃除 廟
殿門之內外又設七祝燎柴于 廟門之外又於
室內鋪設 神位於北墉下當戶南向設凡於筵
上 時寒用虎皮次席時暄用桃枝竹次席 又設三

獻官拜褥位二

在宰內一
在室外一

學士院宣撰祝文訖計

會通進司請

御書訖降付禮部置于祝案祠祭

局濯漑祭器與尊彝訖鋪設如儀內太尊二山壘

二在 室犧尊五象尊五雞彝一鳥彝一在 室

戶外之左爐炭稍前著尊二犧尊二在 殿上象

尊二壺尊六在下俱北向西上加幕皆設而不酌

并設獻官壘洗位禮部設祝案于室戶之外右禮

直官設位板并省牲位如已定圖前一日光祿鄉

帥其屬入實祭器良醞令入實尊彝 前一日諸

太祝與廩犧令以牲就東神門外如省牲圖司
尊彘與礼直官及執事者皆入升自西階以候禮
直官引太常卿贊者引御史自西階升遍視滌濯執
尊者舉冪告潔訖引降就省牲位廩犧令少前曰
請省牲退復位太常卿省牲廩犧令又前北向躬
身曰脂還本位太祝與廩犧令以次牽牲詣厨授
太官令贊者引光祿卿詣厨請省鬲鑊甲神滌溉
贊者引御史詣厨省饌具訖與太常卿等各還齋
所太官令帥宰人以鳶刀割牲祝史各取毛血每

室共實一豆又取肝膋共實一豆置饌所遂烹牲

享日質明百官各服其品服礼直官贊者先引

御史博士太廟令太官諸太祝史司尊彘興執

壘篚官等入自南門當階閤北面西上立定奉禮

曰再拜贊者承傳皆再拜訖贊者引太祝與宮闈

令升自西階詣始祖室開拓太祝捧出帝王

宮闈令捧出后主置于座帝主在西贊者引太

祝與宮闈令降自西階俱復位奉禮曰再拜贊者

承傳在位官皆再拜訖俱各就執事位大樂令帥

工人入禮直官贊者分引三獻官與百官俱自南
東偏門入至 廟庭橫階上三獻官當中北向西
上應行事執事官并百官依品重行立 五禮新儀
內皆自東門入看詳宋齋坊並在廟東今在南門
外只合就南門入奉禮曰拜贊者承傳應北向在
位官皆再拜其先拜者不拜拜訖贊者引三獻官
詣 廟殿東階下西立其餘行事執事官與百官
俱各就位訖禮直官詣初獻官前稱請行事協律
郎跪俛伏興樂作禮直官引初獻詣盥洗位北向

立定樂止搯笏盥手悅手執笏詣爵洗位北向立
搯笏洗瓚拭瓚以瓚授執事者執笏引 殿樂作
至 始祖宗尊彝所西向立樂止執事者以瓚奉
初獻官獻官搯笏執瓚執尊者舉冪太官令酌饗
鬯訖先詣第二室尊彝所北向立初獻以瓚授執
事者執笏詣 始祖室神位前樂作北向立搯笏
跪執事者以瓚授初獻官初獻官執瓚以鬯裸地
訖以瓚授執事者執笏俛伏興出戶外北向再拜
訖樂止 已下逐室樂作止並准此每室行禮並如

上儀禮直官引初獻降復位初獻將升裸祝史各奉毛血肝膋豆及齋郎奉炉炭蕭蒿黍稷籩各于饌幔內以候初獻晨裸訖以次入自正門升自太階諸太祝皆各迎毛血肝膋豆于階上俱入奠于神座前齋郎所奉炉炭蕭蒿籩皆置于室戶之外左與祝史俱降自西階以出諸太祝取肝膋洗于鬻鬯燔于炉炭訖還尊所享日有司設羊鼎十一豕鼎十一于神厨各在鑊右初獻既升裸光祿卿帥齋郎詣厨以七升羊于鑊實于一鼎肩臂

臠肫胙正脊一橫脊一長膋一短膋一代膋一皆二骨以並次升豕如羊實于一鼎每室羊豕各一鼎皆設局幕郎對舉入鑊放饌幔前齋郎抽局委于鼎右除幕光祿卿大官令以七升羊載于一俎肩臂臠在上端肫胙在下端脊脇在中次升豕如羊各載于一俎每室羊豕各一俎齋郎以幕舉鼎先退置于神厨訖還復饌幔所禮直官引司徒出詣饌幔前立以俟光祿卿帥其屬實籩以粉糝實豆以糝食實籩以梁實籩以稷俟初獻裸畢復位祝

史俱進徹毛血之豆降自西階以出礼直官引司徒帥薦邊豆簠簋官奉俎齋郎各奉邊豆簠簋羊承俎每室以序而進立于南神門之外以俟羊俎在前承俎次之邊豆簠簋又次之入自正門樂作升自太祝諸太祝迎引于階上樂止各設于神位前訖禮直官引司徒以下降自西階樂作復位樂止諸太祝各取蕭蒿黍稷擣于脂燔于爐炭還尊所禮直官引初獻詣壘洗位樂作至位北向立樂止搯笏盥手悅手執笏詣爵洗位北向立

搯笏洗爵拭爵以爵授執事者執笏升殿樂作

詣始祖室酌尊所西向立樂止執事者以爵授

初獻初獻搯笏執爵執事者舉幕太官令酌犧尊

之泛齊訖先詣第二室酌尊所北向立初獻以

爵授執事者執笏詣始祖神位前樂作北向立

搯笏跪執事者以爵授初獻初獻執爵三祭酒于

茅苴奠爵執笏俛伏興出戶外北向立樂止已下

逐室樂作止並准此替者次引太祝詣室戶外

東向搯笏跪讀祝文讀訖執笏與先詣第二室

戶外東向立初獻再拜次詣 每室行禮並如上
儀太官令復詣 始祖室酌尊所太祝復位初獻
降階樂作復位樂止禮直官次引亞獻詣盥洗位
北向立搯笏盥手帨手執笏詣爵洗位北向立搯
笏洗爵拭爵以授執事官執笏升 殿詣 始祖
酌尊所西向立執事者以爵授亞獻亞獻搯笏執
爵執尊者舉冪太官令酌象尊之醴齊訖先詣
第二室酌尊所北向立亞獻以爵授執事者執笏
詣 始祖神位前樂作北向立搯笏跪執事者以

爵授亞獻亞獻執爵三祭酒於茅苴奠爵執笏俛
伏興出戶外北向再拜訖樂止 已下逐室樂作止
並准此次詣每室行禮並如上儀降階樂作復位
樂禮直官次引終獻詣盥洗及升 殿行礼並如
亞獻之儀降復位次引太祝徹籩豆 籩豆各一少
移樂作辛徹樂止俱復位礼直官曰 賜胙贊者
承傳曰 賜胙再拜在位者皆再拜禮直官引太
祝宮闈令奉 神主太祝搯笏納 帝主于匱奉
入祔室執笏退復位次引宮闈令納 后主于匱

奉入祔室並如上儀退復位禮直官贊者引行事
執事官各就位奉禮曰再拜贊者承傳應在位官
皆再拜禮直官贊者引百官次出大樂令帥工人
次出太官令帥其屬徹禮饌次引監祭御史詣

殿監視辛徹訖還齋所 太廟令闔戶以降太常
藏祝板于匱光祿以胙奉 進監祭御史就位展
視光祿卿望 闕再拜乃退 夏合祀竈并中雷
鋪設祭器又實酒饌俟終獻將升獻 官行禮并
讀祝文並如已行儀自後每歲四孟月并臘五

享並如上儀至正隆元年二月五日稟定每歲二
月十月遣使時享 神主不出過三年祫享用丞

祭視祠

天德二年秋

享執宰三品官

親王

內稟差三獻官并司徒除點定初獻官司徒外委
尚書省就便擬攝自後遂為常例天德年宰執攝
太尉親王專攝司徒大定十二年以前太尉司徒
通其一品至三品員數 奏點先者攝太尉次者
司徒十三年後另且三品官點差司徒亞冬獻舊
差三品員官曾具三品四品自後只具四品官

大金集禮卷十二至十七
大定十三年臘享劄子樞密趙王 始于丞相下
排次大定十六年冬 享諸王並具在丞相上

大金集禮卷十二至十七終

大金集禮卷第十八

時享上

攝行禮

攝行禮

天德二年三月奉安 太廟祫享禮部呈四月
時享合用犧牲若親祠隨室各犢一羊一豕一遣
使止用羊豕兼合預先宰養周禮享先王則衮冕
稟訖服衮冕用堂上樂又以時享禮似有繁素兼
典故有親祠者亦有司行事者稟訖委有司行

事 稟定平章滕王攝太尉初獻 王宗睦攝司
 徒行禮吏部尚書烏里也攝太常卿亞獻禮部尚
 書盧彥倫攝光祿卿終獻四月十五日行禮其餘
 攝官除有正員外差光祿卿一七祀獻官一司尊
 彝二太官令二大樂令一太祝十一官闈令十一
 奉禮郎一通事舍人充讀祝太祝一舉祝官二七
 祀讀祝官一協律郎一以上職事官內差攝齋郎
 一百三十二 毛血肝腎籩俎先入奉俎簋簋豆
 次入 每室只用八員計八十八員 祝史二十二

只用齋郎充更不另攝禮直官一十贊者一 閤門

七祀位祝史一七祀退饌官二執事官五以上省

部令譯史通事及供奉官直省內差 檢討定儀

禮准呈下項太常寺舉申禮部關學士院司天臺

擇日以其日報太常寺具時日散告 前七日受

誓戒于尚書省其日質明禮直官設位版于都堂

之下依已定誓戒圖禮直官引三獻官并應行事

執事官等各就位立定贊揖在位官皆對揖訖禮

直官以誓文奉初獻官初獻官播笏讀誓文某月

某日孟春 薦享 太廟各揚其職不恭其事國

有常刑請訖執笏七品以下官先退餘官對拜訖

乃退散齋四日治事如故宿于正寢惟不吊喪問

疾作樂判署刑殺文字決罰罪人及預穢惡致齋

三日于本司唯享事得行其餘悉禁一日於 明

昌二年九月點檢司申到前月二十九日奉 聖

旨 孝懿皇后陵前享祭準備茶食四十桌子宮

籍監已欵依前去墳山造辦 大安三年七月二

日禮部行下太常寺近奉 聖旨山陵下時新諸

陵下都交有者省部除另行外來申 世祖位合

依自来 享祀例止于 盤寧宮薦獻 新物到

陵下署官公服再拜興進前跪奠訖俛伏興退再

拜訖禮畢并勘當到別無薦新帶享保陵公禮例

准申行下云 大定十八年五月初七日尚書省

奉 勅旨今後遇 貞懿皇后忌辰祭享仰定撰

祝文 禮部下太常寺檢到禮數呈 省奉 省

批台旨致祭使仰本部移文宣徽院依例 奏差

餘並准呈 一差官致祭使一員 奏差 讀祝官一

員 舉祝官二員 本府幕官充禮直官二員 本處
差近上司吏充 一合用物並本處應辦 茶食
香 茶 酒 果 香案一 裾全 祝案一 裾全
拜褥位 一禮數其日質明致祭使并本處見任
官讀祝舉祝官並公服禮直官引赴 殿階下迎
西先兩拜次引使面 殿以東為上立又再拜引
使陞 殿詣 神位前稽筭跪三上香奠茶奠酒
訖執筭俛伏興引使降 殿復位立俟讀祝訖又
再拜引赴近西褥位立定再拜禮畢退 大安元

年十一月三十日承 省劄奏帖近 奏差秘書
監丞溫迪罕胡土三司知事邊源檢勘 墳山以
西銀洞事 云：今據所差官胡土等檢勘得止合
以龍泉河為禁限西界 等商量若准所申是
為相應云：為此于十一月二十九日聞奏過奉
聖旨封堠立得分朗者餘並准奏行 一墳山
禁界封堠四至周圍地里東至萬安寺西小嶺一
十八里南至黃山峪水心二十六里西至轆轤嶺
二十三里周圍計地一百二十八里 一墳山以

西過轆轤嶺有南郊澗道隔斷山勢以西過本浮
嶺下至龍泉河又隔斷木浮嶺其龍泉河深澗處
約五十步窄處十餘步水深三四尺自陵寢紅排
沙至此三十二里以西又過烟燠嶺松片山數里
總是接連銀山其堵山與銀山不是一帶山勢
一銀山在堵山西北其山東西形勢嶺南屬奉先
縣有銀洞五十四處山嶺北屬宛平縣有銀洞六
十二處兩縣銀洞止是一山自陵寢紅排沙以西
最近銀洞四十二里最遠銀洞四十八里一取

貴到將去司天臺陰陽人張慶淵等三人狀貌相
視得自陵寢紅排沙以西過澗轆轤嶺已有南郊
澗道隔斷山勢以西又過木浮嶺下有龍泉河
深澗隔絕地脉按地里新書五音地脉篇凡隔坵
潭江河地勢已絕不相連按兼山陵至此已三十
二里若將龍泉河便為禁限西界委是別無窒礙
其東南北三面禁界止合依元定界埃為限大
定二年正月七日省差官刑部主事薛萬亨并提
點山陵涿州刺史完顏璋同銜申取青到司天臺

張慶淵魏器博盧明等三人狀稱今自墳山西北
係奉先縣所管神寧鄉上冶村龍泉河為西界為
頭排立封堠沿龍泉河至南羗孤嶺其龍泉河水
流正西南去離墳山八十餘里止合於羗孤嶺東
南下墳按墳山舊南界封堠是周圍四至別無窒
礙 呈省一起自萬安寺西嶺為頭打量至西面
儘北南郊澗口舊封堠計地六十二里令一百四
十四步自南郊澗口舊封堠以西上冶村按連排
立沿龍泉河南至羗孤嶺密排訖封堠一百一十
六箇按連至赤石峪舊封堠計地五十八里令二
百二十八步自赤石峪口舊封堠至萬安寺西嶺
計地三十五里令三百步周圍計地一百五十六
里令三百一十二步

大金集禮卷第十九

時享下

攝行禮

攝行禮

大定三年七月 奏稟唐禮儀志四時各以孟月
享 太廟季冬臘享凡五祭擬今年十月擇日
祫享升祔已後時享有司依時舉行從之十二月
二十一日臘享 命平章元宜攝太尉充初獻泰
政石琚攝司徒省差亞獻終獻各一員 三品以上

依開元禮攝太常卿光祿卿禮部擬差太常卿光祿卿各一三品七祀獻官一五品助奠官二太廟令一大樂令一並六品監祭二太常博士二司尊彝一大官令二讀祝太祝一舉祝官二七祀讀祝一並七品廩犧令協律奉禮郎各一太祝十一並八品贊者一禮直官十宮闈令十四齋郎一百十七祀祝史進饌官二並九品奉瓚盤奉爵酒盥洗爵洗巾篚官各一六品七品外昭德皇后別廟獻官司徒以次另行差攝同日質明行礼太常光

祿卿太廟廩犧令并太官令一員係太廟所差官通設至二十六年膺享太廟另差已上員數檢

討定儀禮准呈下項擬依典禮前七日受誓戒于尚書省其日質明設位版于都堂之下依已定受誓戒圖禮直官引三獻官并應行事執事官等各就位立贊揖在位官皆對揖訖禮直官以誓文奉初獻官初獻官播笏讀文云十二月二十一日膺日薦享太廟各揚其職不恭其事國有常刑讀訖執笏七品以下官先退餘官對拜訖乃退散齋

四日治事如故宿于正寢唯不弔喪問疾作樂判署刑殺文書決罰罪人及預穢惡致齋三日並於有司無本司者並宿于省部禮官宿于享所唯享事得行其餘悉禁 享官已齋而闌者通攝行事禮部看詳前來 親祠大祀散齋四日致齋三日今每歲五 享係有司行事如致齋三日緣所用攝官令史人等數多見得廢務多日擬止令散齋二日致齋一日 前三日兵部設兵衛于 廟之四門禁斷行人儀蓋司設饌幔十一所于南神門

外之西南向又設七祝次於橫階之北道西東向前一日大樂局設登歌之樂於 殿上 太廟令帥其屬掃除 廟殿之內外又於 室內鋪設神位于北牖下當戶南向設几在筵上用虎皮及次席又設三獻官拜褥位二 一在室內學士院定 撰祝文訖計會通進司請 御署訖降付禮部設祝案于 室戶外之右又於每 室設左十有二邊分為四行以右為上 第一行 形蓋在前榛實黍米次之

第二行 魚鱸在前乾桃乾芡次之
 第三行 糗餌在前乾棗栗子次之
 第四行 粉飡在前乾枣鹿脯次之

右十有豆分為四行以左為上

第一行 芹菹在前韭菹豚拍次之

第二行 筍菹在前醢食鹿臠次之

第三行 葵菹在前魚醢醢次之

第四行 菁菹在前光醢糝食次之

又設釧三在邊豆之間 實以羹茹芼滑

登一 實以太羹

簋一在左 實以梁稻梁在稻前

簋二在右 實以黍稷 在黍前

又設俎三在邊前 各實牲體

又加二豆在邊前 實以毛血肝腎

大尊二 實以明水

各加坩幕設而不酌又設沙池一茅苴一稍前又

設尊彝所在室戶之左

設黃彝一尊一 實以鬱鬯各加酌幕

犧尊二象尊二山罍二 上尊實以明水餘者寔以糯酒各加坩冪

又設籩箱一內蕭蒿 實以黍稷 燎爐一 實以爐炭

稍南又設著尊一山罍二 並實以糯酒 壺尊六 實以明水各加坩冪設而不酌在 殿

下 又設獻官爵洗在壘洗之西壘在洗東籩在洗西 北肆實以巾

又設七祀每位簋二 實以稻粱 簋一 實以黍稷 籩二 實以榛實 豆二 實以菁荳鹿 麩 俎一 寔以羊體

又設壺尊二在 神位之右 實以糯酒各加酌 坩冪

又設爵盞一坩全礼直官設位版并省牲位如已 定圖前一日光祿卿帥其屬入實祭器良醞入實 尊彝

前一日省牲器如天德二年儀 享日質明行事

執事官各服其品服禮直官贊者先別御史博士
 太廟令太官令諸太祝、史司尊彝與執壘籩官
 等入自南門當階間北而西上立定奉禮曰再拜
 贊者承傳皆再拜訖贊者引太祝與宮闈令升自
 西階詣始祖室開 祔室太祝奉出 帝主宮闈
 令奉出 后主置于座 帝主在西 后主在東贊者引太祝與
 宮闈令降自西階俱復位奉禮曰再拜贊者分引
 三獻官與百官俱自南神東偏門入至 廟庭橫
 階上三獻官當中北面西上應行事執事官并百

官依品重行立奉禮曰拜贊者承傳應禮向在位
 官皆再拜其先拜者不拜 拜訖贊引三獻官詣

廟殿東階下西向立其餘行事執事官俱各就位
 訖禮直官詣初獻官前稱請行事協律郎跪俛伏
 興樂作禮直官引初獻詣盥洗位立定樂止搢笏
 盥手悅手執笏詣爵洗位北向立搢笏洗瓚拭瓚
 以瓚授執事者由西階升執笏升 殿樂作至
 始祖尊彝所西向立樂止執事者以瓚奉初獻初
 獻搢笏執瓚執尊者舉冪太官令酌爵訖訖先詣

第二室尊彝所北向立初獻以璫授事者執笏詣
始祖室神位前樂作北向立璫笏跪執事者以
璫授初獻初獻執璫以登裸地訖以璫授執事者
執笏俛伏興出戶外北向再拜訖樂止已下逐室
樂作止並准此次詣每室行禮並如上上儀禮直
官引初獻降復位初獻將升裸祝史各奉毛血肝
骨豆及齋即奉爐炭蕭蒿黍稷篚各於饌幔內以
俟初獻晨裸訖以次入自正門升自太階諸太祝
各迎毛血肝骨豆於階上俱入奠于神座前齋

郎所奉爐炭蕭蒿篚各置于室戶外之左興祝
史俱降自西階以次出太祝取肝骨洗於鬱鬯燔
于炉炭訖還尊所晨裸如天德二年儀惟云
享日贊明行事執事官各服其品服木云百官後
儀內數處却依例有百官字百官二字未當既升
裸大官令帥進饌者奉陳于南門外諸饌幔內以
西為上禮直官引司徒出詣饌所司徒與薦俎齋
郎奉俎并薦籩豆簠簋官奉籩豆簠簋禮直官太
官令以序入自正門樂作升自太階諸太祝迎引

於階上樂止各設于神位前訖禮直官引司徒

以下降自西階樂作復位樂止諸太祝各取蕭蒿

黍稷孺于脂燔于炉炭訖還尊所酌獻如天德

二年儀惟云太官令酌酒訖不云酌泛齊醴齊臘

日並祀七位俟終獻將升七祝獻官詣司命神

位前祭酒讀祝再拜餘坐助奠如儀惟不讀祝

大定四年正月十九日春享太廟并昭德皇

后別廟同時行禮其一切禮數并應行事執事

官並如臈享儀正月十六日受誓戒十七日各

廟儀習十八日各于本司致齋次日質明行禮春

夏用鷄彝鳥彝秋冬用黃彝尊彝七祀司命戶

以春竈中雷以夏門厲以秋行以冬臘並祀七位其

餘並同每歲五享以為常式十五年三月二十七

日奉安訖武靈皇帝別廟自後每遇時享

太廟并兩處別廟同時行禮十九年就禘

祭升祔閔宗其舊廟圻毀太廟時享增閔

宗一室邊豆尊彝之數添差太祝宮闈令禮直官

各一員并添齋郎員數

大金集卷第十九

大金集卷第十九終



